

紀文達公遺集

紀文達公遺集卷第三

孫樹馨編校

雅頌

平定兩金川雅

謹序 乾隆四  
十一年代作

臣聞弧矢之象易取諸睽言睽則威之也啟征有扈作  
甘誓乃稱天用勦絕龔行天罰然則聖人並用五材以  
昭七德其未自絕於天者恒仁愛不輕翦刈迨其干命  
亂常悖越顯道而後仗順以討之故旗鏜所指如雷霆  
下擊雖險阻崎嶇終弗能拒兩金川者於三代無可考  
漢始通冉駝置汝山郡然故址在今茂州相距五百餘

系三卷之三  
里則仍邊外地也於星爲井鬼分野鶉首之次介於西南之間故狡黠有蠻風而剽悍鈔盜有羌俗

國家幅員廣袤順治壬辰隨九姓內屬六撫三慰受職納寶百年來隸爲臣僕非復前代之羈縻矣乾隆戊辰促浸郎卡始與償拉搆釁執其渠澤旺

王旅徂征釋兵悔禍

皇上閱其頑蠢予以自新越十年戊寅鷹眼不化又潛侵吉地丹多諸部然同類相搏私爲攘歛譬之鼠牙雀角婦孺詬爭操挺里巷之間有司者治之不足以煩九伐也封狼生羆世盈厥惡逆子索諾木恃險陸梁戊子

夏據革布什咱戕其土官鴟張日甚澤旺及子僧格桑亦忘再造之

恩朋比煽合圍攻鄂克什豕突不已且築壘列砦角觝抵觸顯然欲負嵎抗

天討邊帥問罪果厲鋒格拒於是綽斯甲布巴旺丹垣從噶克梭磨卓克采諸部咸騷然無寧宇且妄播謠曲有吐蕃維州之志夫強噬弱巨慝也下逆上大罰也亂氣薰灼

蒼緯震怒

皇上欽承

系通名錄卷三  
二  
天道修飭政刑遂不能復爲二豎黃爰整六師翦除苞  
拏一軍由巴郎拉一軍由約咱分途並勦虎旅鋪敦償  
拉一部已躡鼠壤俘獍父而索諾木猶敢淵藪逋逃逞  
其蜂蠆窮凶極悖彌不可容於覆幬於是重

宸衷揚  
命阿桂爲定西將軍豐昇額明亮等爲之副稟密畫於

天聲於荒徼分道直入霆衝颺捲進克資哩復鄂克什  
官寨轉戰而前遂復美諾及別思滿兜烏八卦碉僧格  
宗底木達布朗郭宗大板昭曾頭溝諸地五日之內儻  
拉再平惟索諾木猶窟穴嶄崑萬計死守阿桂等仰遵

廟算務靖妖氛桴鼓揚旂目無險阻剡絨布拔羅博瓦  
焚熟圍歌洛扼喇穆喇穆遂由空薩爾收密拉噶拉木  
上憑風磴下瞰螳旋皆垓破壞頽蒼黃莫措乃盪木斯  
取甲索自基木斯丹當噶五十里內賊徒自燿遂定勒  
烏圍扼吭附背鼓行而前仄隘危巒指揮並下乃進圍  
噶拉依大師合會欽野歎山若雷鼓轟而天球振也穴  
鼠技窮釜魚路斷徵側徵貳之屬僑如榮如之輩咸魄  
悸骨慄自歸羅尉惟索諾木及其逆黨自知罪戾不赦  
猶閉壘偷生至七萃奮登乃纍纍貫索大愆旣獲蠻徽  
砥寧列戍開屯屹爲雄鎮數萬年木石翹矚之區忽敞

然而睹白日於錄哉

聲靈震耀蔑以加矣往歲癸亥我

皇上并鉞參旗檄定西域繫頡利之頸械疏屬之尸懸  
母寡之首斥埃屯種過碎葉薄葱嶺黃圖所拓二萬餘  
里其間再亂再平葺事不過五載功爲古今所未有今  
金川之境雖不過五百里金川之衆雖不過二三萬人  
其地雖近接蜀徼無星源月竈之遠然山重水沓無寸  
土之坦仄徑巉巖一綫穿漏上入雲下縑谷往往飛猱  
側足飛鳥不越一夫扼隘則中黃伏飛不能用其排突  
又碉房之制卽揚雄蜀都賦所謂石罅後漢書西南夷

傳所謂叩籠自昔夷落恃以爲固憑高密綴尤粹不易  
攻譬黠鼠微蠹竄匿於密罅曲竇抉剔求之物小而力  
乃百倍故漢通西南能斬竹王之首而兵未嘗涉其闕  
姜維馬忠討羌故壘乃在今內地宋嘗一征旺烈弗利  
而止歷代以來無能采入其阻者

皇上於五載之中藉場艾旃繫縛蛟鰲與平原大野馳  
驅決勝者等功亦古今所未有蓋曠世偉績越二十年  
而再睹也且古者出師皆受命於一帥故曰闕以外將  
軍制之惟我

皇上命將出師皆

睿謨獨運策形勢於萬里之遠操賞罰於九天之上  
指示駕馭赴機若神臣章句陋儒雖不足測

高深萬一而叨荷

恩遇出入

禁闈仰見軍興以來

皇上宵衣批牘旰食披圖或羽書夜至亦中宵

宣授機宜

聖慮勤勞越五年如一日知經緯萬端悉由

乾斷建牙秉鉞之臣特稟

成命效驅策耳此尤千古帝王所未有也然恭讀

御製太學紀功碑文委曲詳明方諄諄於兵非得已絕  
不以武功耀萬世則

聖人之情與

天合契風霆雨露因物而施纖毫無心於其間益非區  
區管蠡所能窺見矣昔唐吳少誠據蔡州拒命三世其  
地爲中原平土非有山川險隘之勢竭天下之力五十  
載僅乃克之其時韓愈柳宗元等猶作爲雅詩以揚播  
後代今

聖天子驅馭虎豹翦除狼虺通亘古不通之險其事越  
平淮萬萬臣忝珥筆其可不作爲文章以歌詠休明顯

學殖荒落詞不副意不敢自為撰著謹仿晉傅咸集句為詩之例哀緝唐人舊文排比倫次為雅詩十二章以

廣揚

盛烈昭示來茲其詞曰

聖惟廣運

孫

仁壽昭融

李延壽

三光順軌

韓愈

道叶升中

李

懷德畏威

白居易

有截海外

元結

瀚海陰山

李商隱

咸若采衛

柳宗元

其一

蠢茲蕃醜

楚令狐

自惇化宇

李絳

潛懷狂房

權德輿

徵風召雨

駱賓王

皇帝曰咨

李宗閔

念彼遠人

蔣防

邊臣申約

李吉甫

特許自新

常 其二

醜類伊何

楊炯

執迷不復

常

蛴起蜂飛

駱賓

蟻聚蛇伏

孫

罪滿惡稔

白居易

擾茲邊鄙

王仲舒

憑依堅壘

楊於陵

謂險遠

孫

可恃

獨孤及

其三

皇赫斯怒

常衎

天威遠震

權德輿

董我三軍

李德裕

以昭順正

李翱

箕宿焉

不

杜審言

揚鉦宣武

吳融

豺狼之性

元載

無觸是務

杜牧

其匹

申簡帥臣

白居易

命師授律

權德輿

待擒妖鳥

張仲素

傾其巢

窟

獨孤及

虎臣稽首

蘇頌

虔奉

聖謨

張九齡

天助神兵

劉禹錫

莫敢枝梧

合楚

其五

陰凝雪飛

段文昌

山高樹逼

王勃

登必爭先

及獨孤

因機深入

駱賓王

狼星斂角

杜牧

雲捲霧消

樊衡

飛梯衝傾

常袞 枳棘之巢

張仲素

其六

絕壑憑霄

駱賓王

瞰臨壁壘

常袞

鴟嘯狸號

李延壽

冰裂瓦解

孫樵 旣踰絕險

羅隱

旋卽合圍

于邵

醜挫克

呂溫

無堅不摧

沈顛

其七

威貫風雷

楊於陵

奔狐竄穴

宋之問

星羅四張

于公異

以遏其

唐突

及獨孤

潛火煽孽

柳宗元

雖困猶鬪

常袞

衆叛親離

白居易

羣凶授首

張仲素

其八

天威震耀

常袞

決勝萬里

水邑

遂奏膚功

張說

用調化紀

崔

堤地

分輿井

陳子昂

星漢昭回

李德裕

神功偉績

李吉甫

赫赫巍巍

韓愈

其九

諸蕃相屬

李延壽

恪奉

天常

張說

視茲宛恃

于公異

往斧其吭

韓愈

瞻矚

聖朝

李翱

光照臨兮

盧肇

仁洽好生

權德輿

昭

德音兮

顏真卿

其十

懷柔百神

楊炯

永介

福祚

張說

茂祉昭彰

王勃

湛恩布濩

李嶠

九重獨運

段文昌

功成不有

李德裕

讓善於

天柳白

晁晃

天之祐

元載

其十一

皇天眷命

張說

靈貺昭宣

王表

光宅六合

楊炯

於萬斯年

韓愈

孝理承

庶

崔融

化成悠久

羅隱

九有同歡

陸贄

南山獻壽

李商隱

其十

二

平定兩金川頌

謹序

乾隆四十年代作

臣聞蟻罅必直則無攀菱湛玉之勞曲突先戒則無揚

燦焦原之患睹萌老慮著規勢者逼變故勞一而逸萬也攝提合雒以來智莫踰黃軒而涿野絕其轡仁莫踰伊耆而丹浦揚其縫豈不欲徹埃毀障銷鎬澶燹哉徒以蓄虺蘊螫養枳延叢故意周于萬禩蹙起而詰戎也往者歲在乙亥

天翦葱雪以畀我

清

皇帝拓州絡引天衡招搖繕怒蓐收練精鬻溫曷以怵  
疏繫兜題而抗稜水陸惛慄駢琛貢庭下湔滲駘一  
光靈

帝術大乎一統非震耀乎佳兵蓋自平定伊犁回部以  
來戢干偃伯黃祗祗寧

天弧直狼璇霄翕晶有睽睨而駭伏孰睚盱而笑嬰乃  
有兩金川者狹猱髮鬚窟巢峻嶒接魚蠶而牙錯介蠻  
氏而鯨瞪奚斤贊普種類窳冥償拉由舊促浸孽生漸  
榦弱而枝強乃大小之區名鬱太古之沴戾閎複奧而  
蘊蒸神將殲乎狼族倅空搏而胚形旋牛舞而人立闖  
挺出以孤撐歲在戊辰郎卡始貳宓厲厥牙澤旺乃繫  
木魅吹火妖星吐苒冉愕駭駭叩霾徂曠列缺怒而施  
鞭雪山簸而軒輕懼搏頰而顛貸

帝閔焉而回霽鵠鶴戢其逆毛誓蒞不殫其類爾乃蠕  
匿灌楚蠓戢岩峒藏機善閉韜鋒待搏夔藩眈虎引縉  
餌鰲陽釋讐而師婚伏械深乎谿壑羆殪熊吼索諾木  
作挾僧格桑嘯侶同攫革布什咱喋血而竊符鄂克什  
寨合圍而攢鏑剖髑矢之仰激乃捎鬼星而睨井絡夫  
媾昵布露羈國二十握算誦也莎車蠶食都護魚睨戰  
無術也好水歷阻藥弩蜩縮積弱者失也三精葩燭百  
品貢狀神姦怪變禹金鑄象二豎者妖識熒聽血牙東  
望其逆節諒矣毛鷲肉攫爪距者聽其噪於叢喜摩怒  
蹠蹄角者聽其嗥於曠彼一時也追瓜迨跟突擇人而

饑聞靈鼓而不驚，鼉角觥以相向，是尚可解罟而放哉。是以疑神繫表，揆機域外，規圖定勢，前衝後綴，躡日標以抨鴟，縋冰窟而囚魅，或扼吭而骨鯁，亦搯罅而電邁。嵌竇絡絕，崑崙輒碎，歷百險而終夷，劉蠶叢而歷塊，斲疏屬之尸，剗攀鞞之臂，足盡虵僵，連蜷貫械，丹旌迅乎風檣，目一瞬而弗逮，鬻合塵涌，潮音澎湃，愉氣升爲慶霄，鬱葩瑤乎華蓋。

皇帝於是元元本本，溯端造周，準跡畢邑，升香

珠丘，嶽靈岌業，峩冕導輶。

勲至大而弗矜，陋璆檢之雕，鍍徵古義，俎太牢，學有受

成泮有獻囚道演

孔圖合契攘修祝舉史書匪倭大猷謂苗征而扈勦實  
明神所虔劉旣而笳簫厲響旃旆競驚抗墜春容萬耳  
傾注

金聲爲律

化冶天鑄蟠綺結繡嵌璣鏤璐崇臺璀璨眩不遐顧紅  
雲燿而下垂

天光燭乎廋路方稽召拜

堯容

湯步杖杜出車重規疊矩長纓影曳

王師大獻

閶闔誅蕩奉霞俯見通莊轂擊衆音翕贊夔魑匿幽妖  
幻萬變微六丁之搜縈繫獨九氏之弗宴然

皇帝方以三艘俘八蠻服維

任維

姒篤祐周室太極沕穆一體九域亂戡則

神謐氣樂則

志壹加號

寧豫肖實象德蓋保大定功故滋延

天福也若夫銘辟雝磨雪嶺鼈趺履躡

龍畫麟炳勒乎園橋者映十鼓而光炯立乎蠻徼者鎮  
三方而峙鼎導窾析絡引綱控領道取固圉戰非示猛  
聖人之情尤大清之麗陽景矣夫金川之地險莫殫論  
衢眎左擔砥眎劍門故漢置汶山斥堠鄰焉唐戍滴博  
吐蕃堙焉

皇帝鏡機芒織羅絡厓垠剔嵌扶竇五稔集勳周檢瑯  
嬛三古無文此珥筆之臣千歌萬頌終捫璣測乾布肘  
量坤也臣侍密勿

玉音所宣億或一聞謹拜手而頌曰

胚渾融結黃輿絡分山牡谿牝化生煙燼三靈區位九

龍肇君方趾圓顛悉主悉臣懸渡儻通我土我民孰縮  
我綬險乃弗竇赤虺吹毒白狼鼓齟石紐茫茫禹墟實  
存厥途非遐恃者嶙峋黛嶂冠日仰摩烏陵坼裂無底  
黑霾雲根一綫萬盤絀肘胷跟密罅隱蠶曲隧匿鼯伺  
隙則齧遇逐乃奔其初發難挺戈震鄰爭粟粥投骨  
猜信疆躍孱仆勝嗥負呻爪距方囂聆叱則馴戢墀伏  
牢蜷縮莫伸有繫而豢孰灌而薰其再發難二豎相因  
豺牙宓厲搏雛窺豚羌善寇鈔伊古已云婦詬孺誅操  
挺里闔如以女膺挽粟徵軍是因鼯鼠穀弩干鈞春萌  
蒿艾夏孕蟲蝥物自美醜雨露則均其終嬰討在窺邊

門刑天銜戚蚩尤播塵松溪茶關耽而思吞

帝乃憑怒雷碾震震摧巒裂谷執豸縛麕圓靈播氣一  
肅一溫帝典王猷一義一仁後非窮贖前非逡巡文武  
張弛變化迭循日中而葵赴機若神不需以旻不豫以  
晨省括乃斯

志定必申勞者五載逸者億春江出其腹蜀都枕岷建  
福會昌河圖祕文

帝靖其圉安長子孫種芋織橦蜀土聿欣繁豈惟蜀八  
紘無垠

威稜四懼川岳效珍畝棲餘糧壘無戰雲鼇極不波維

帝之勲珠鈴密籌維

帝之勤七政環運樞于

北辰經緯萬端炳焉貞珉微臣蠡測頌聲以陳淵乎淵

哉大瀛無津

五巡江浙恩綸頌

謹序四十五年乾隆

欽惟我

皇上得天恒照斂福錫民慎憲省成彌懷無逸歲在庚

子復

時巡江浙

閱視河工海塘因以詢察土風行慶施惠

仁心茂育

聖渥龐洪非歌詠所能縷述其

宣示中外者懿綱淳化更多振古所未聞蓋南邦士女  
至是五覲

龍光矣省方設教歷久益勤順時布澤有加靡已豈非  
度越三五之上軌哉臣備員薇省每伏讀

詔令輒私心抃慶竊作頌聲自春徂夏成三十六篇敬  
題曰

恩綸頌用昭

盛美而抒下忱每篇皆恭繹

諭旨約舉提綱併詳紀日月編次先後見詞必有徵政  
皆紀實非前代儒臣浮文粉飾者比雖挂一漏萬類以  
管闕

天然鳧藻微誠不能自己謹繕錄成冊拜手稽首以  
獻

乾隆四十三年十月初六日

諭巡幸江浙閱視河工海塘

堯曦麗霄四瀛咸炳

黃屋疑神鑒周遐憬

帝聰胥達衢謠猶

省太乙南臨川紆途永春祺  
堪堪膏露茗穎澤憶

四巡慕覲

五幸微植熙陽葵忱胥秉綠章顙

聞

丹綸俞請導水纘禹司鑿

詔丙德郵捷傳迅流鵠影江溼海馭駢趾引領

乾隆四十四年十月初一日

諭截畱漕船以平行營米價

金粟重輕劑平乃利穀少糞繁珍則翔貴棲畝本贏

睿籌防匱輯玉

舜巡鳴柵

軒衛鉤陳駢拱交閭和會萬乘合選儲峙豫計星廬炊  
雲雪匙佐糲萬斛一餐餘粒委積減漕資農居奇杜儉  
博濟翔仁均權本義調劑有無曲周纖細  
心鏡意珠靡遺一事

乾隆四十五年正月十二日

諭免直隸山東經過州縣錢糧十分之三

奎婁野分尾箕躔列眡錯青徐域枕渤碣州絡鉤帶北  
燕南越中亘趙齊九馗通轍雲罕初啟麥隴  
親閱途經阡陌供減銓秸崆峒戴斗岱宗禮日

游豫所經

沛恩非一

時遵茲賡重邀

溫綽盎漿液融衢尊甘溢潤逮禾麻歡洽蓬華田歌諧  
韶擊轅中律

正月十三日

諭免直隸常平借項及屯糧

旬服禹規遺人周法粟米職供委積典納屯糶軍實厥  
儲令甲準數取償古經是協乃

眷日畿巽申

御劄春耕方始秋場軫乏租吏戢音度支銷牒地寶偶  
儉

天膏自浹

輦道逶迤婦孺匝匝膜拜鞠脛絡繹雜遝

穹昊帡幪罔知所答惟祈

壽康重熙永洽

正月十四日

諭賞直隸山東辦差兵丁兩月錢糧

氏南懸象叶應星文朔門屬鞬扈衛實勤州郡部曲尺  
繕隸軍滄瀛甸服齊魯近藩波澄東海鑰固北門饒錫

雖肄征戍無聞灌燧列堠橐甲司闔有事爲榮警蹕清  
塵裏糧數日增廩六旬賞厚功薄仰愧

皇仁饒曲橫吹笳鼓閭閻韎韐騰歡繫獨農人

同日

諭賞直隸山東老民老婦

衣冠偉然龐眉耆老布帔荆笄皤皤里媪鱗次分曹焚  
香

輦道是雖微賤均蒙

鴻造時和人壽實爲國寶維

皇建極厥庶錫保太和蒸蒸淳氣灑灑秋鮮凋柯春無

非草黃髮含飴耕鑿不擾密邇

堯天傲睨商皓捧挈穀帛提攜黃小熙皞麻徵瑞圖式  
表

正月十五日

諭直隸山東辦差官員有參罰者開復無參罰者加級  
百度允釐六計維肅馭貴馭富惟爵惟祿

金鏡朗澄乾綱獨握權衡曲當賞罰咸服宥過有經盈  
期乃復晉秩明褒程功斯錄

狩典肇舉制修覲牧晝日三接咸食

天福新階註籍舊瑕削牘春時實覃丹忱宜勗各砥廉

隅盟心率屬

正月十六日

諭截漕運丁加賞月糧十分之二

越稻吳杭雲帆北轉銅符隸官瓜期更踐儲胥夙籌舳  
艫罷遣巨槩停鼓飛緮息挽裹餼計程減支徵典行十  
居五數猶羨衍

帝軫于役川途淼遠夜潮水宿晨霜星飯粟益二鬴膏  
溢匙盃飽娛妻孥漉沾雞犬巨舶連檣高帆風滿利涉  
先歸延佇

雕輦

同日

諭長蘆鹽課帶徵十分之一

味取作鹹牢益古給利因自然開源資國用裨九賦惟  
商舉職府海有章馭馬不極藏富畱餘已蕃已殖

斗車南邁

錫福萬億郊坰近光澤敷先北

惠心有孚象占下益用一緩九優柔以息均稅五菁譬  
田三易析木漢津長蘆浙浙大編戡豈行歌

帝力

正月十八日

諭賞直隸辦差官員銀二萬兩

方岳覲后明堂述職湯沐有所國猶賜邑况

御六龍時巡下國禮聞納鑰知非張帑

行殿葺營采椽因昔丹雘樸斲義仍古式勤懋虞狩儉

遵妣德載

閔崇構俯軫羣力

紫泥敷宣朱提用錫葵藿鑿忱斧藻酬直發輒伊始

宣綸先飭織芥弗擾昭昭仰識

正月十九日

諭行宮不必華飾勿以絲毫累民

合宮舊圖軒皇貽典

省方有制寧娛池館涉江春省渡灤秋獮禹牆戒雕堯  
茨勿翦貴質敦素

皇風夙闡樸異燕趙靡始青兗壯麗營官蕭規終淺  
明詔彰彰仰闕何晚

雲牖延矚露臺惜產璇題徒構

鸞書示譴

大訓煒煌昭鑒久遠警茲凡百還淳共勉

正月二十日

諭賞山東辦差官員銀三萬兩

海岱及淮雲構稍崇徒據愚忱未窺

聖衷明明

睿照日月高穹誰敢箕斂竊擾三農經營潤色力合羣  
工爾俸爾祿亦等畿封厥見則隘厥事則同

申誠杜漸均賚昭公仁至義盡衡平鑑空順應咸宜  
皇極執中黜華崇實貴儉戒豐羣黎共喻六字從風

同日

諭免山東緩征錢糧倉穀

維古兗州斥鹵濱海瘠植桑麻美乏稻蟹神禹敷土作  
十二載閔歲四千地形未改歲或水旱征煩牧豎倚闕

恩多度支籍在

帝越魯疆土風親採

詔與蠲除宥侔作解和  
慰蓬蓬甘膏灑灑望杏瞻蒲錢  
鋪庠乃吏無追呼人歌樂愷祝

壽南山億齡崔嵬

正月二十八日

諭賞山東至乍浦等處駐防滿洲老人老婦

從龍舊族

國之本根分控奧區貔虎列屯旣建節鎮遂長子孫長  
白三江夙秉靈源水深土厚氣淑化醇餘派流衍龐固

仍敦鮐背鶴髮黃耆多存北起廣川南屆海門左右異  
路肅迓

軒轅禮耆有典

溥錫昭恩仁壽之化上際下蟠駢羅星拱

丹極常尊

二月初五日

諭免江南積欠緩征錢糧漕米

藪澤奧衍江海茹涵水珍陸產再稻八蠶九州上腴實  
爲江南司農歲入七居其三繁殖旣甚奢麗彌耽勤惰  
靡齊正供或淹舊賦新租符檄相參

系三卷之四集卷三  
觀民伊始渥沛和甘金粟百萬蠲貸溥覃戶歌紅女隴  
抹丁男浩浩長江春波如藍願

聖人壽如川流添

同日

諭免江南浙江所過州縣錢糧十分之三  
駕龍十二自冀祖徐築沙成砥汲井灌塗

眷懷父老迎送

金輿

鳳鳩揚舲川路縈紆鼓楫洪流引纜清渠凡厥庶民樂  
事共趨水陸雖異瞻就無殊北旣薄賦南亦減租

王道平平歷數均符棹謳競發響雜鷗鳧蟹舍漁汀老  
稚攜扶萬家歌舞兩岸畫圖

二月初六日

諭賞江南浙江老民

三婦

玉輦再蒞閱十五年昔之甲壽今則華顛鳩杖競扶俠  
路駢肩穆穆清光稽首瞻

天招邀鄰里挈抱曾元某歲某月某水某山縷述  
宸遊指點從前雨露滋榮樛櫟均延

翠蓋容裔今得再觀金繪荷

賜頒祝臚歡行慶施惠

愷澤逾先尚期

去幸

聖算縣縣

二月初八日

諭免江南竈戶帶征遞緩銀兩

調鼎珍味古稱大夏挹滷滄溟管以齊霸今則淮產南  
與北亞大賈轉舶司澁衡價揚徐襟帶楚越凌跨販鬻  
流通利半天下實則海鄉熬波代稼蕪竈鮫館戢形蝸  
舍風潮或侵租賦恒貲澤恐隅向福從

天迓四載積逋

恩綸曲赦蜃窟獺津萬音祝華一物不遺大哉  
醲化

二月初九日

諭免江淮未繳川餉及緩征提引餘利

廣陵名都繁華從古闐闐魚鹽樓臺歌舞戶擁高貲地  
稱沃土匪曰多財卽稱善賈推厥蕃滋實惟

澤溥沐

德旣深勸功以補施萬報一固亦其所煦育

天心乃彌仁撫蠲緩巨萬往牒未睹譬彼芄苗更膏陰  
雨紅橋鶯花竹西簫鼓太平之象式徵豐臚

二月初十日

諭江浙辦差官員有參罰者開復無參罰者加級

沃野賦繁征輸易玩劇邑訟滋獄情善變越俗吳風官符每萬盤錯屢經瑕瑜互見課績有章考工秉憲

明詔垂慈微勞示勸蕩滌

恩駢褒榮

綸煥東並青齊北侔赤縣福荷三錫例歸一貫典本觀民惠乃逮宦理手稽首席官慶抃矢勵清勤荷

天之眷

同日

諭賞江浙辦差兵丁兩月錢糧

南柔北勁各具土風吳劍越弩寧逮燕弓虎符徵調勞  
勤則同至其執役均厯

皇衷捧檄星邁鼓舵雲從晨翼青旗宵拱

紫宮軍律有常誰敢言功

念茲奔走廩乃從豐準以顧役值浮於傭感逾挾續熙  
熙融融四海不波萬里銷烽偕其什伍惟効呼嵩

二月十三日

諭廣江浙學額

博士弟子鬻官額定夏誦春絃比閩相應文章淵藪東

南爲盛珠璣溢海蕙蘭被徑滋育良蕃採擷莫罄夏槐  
黃霏春桃紅靚藥珠增榜彈冠交慶烝我髦士秋螢自  
映玉尺有程金沙或剝

問俗沛膏育才發政芹藻廣植薪櫛叶詠於鑠令典旁  
求惟

聖

二月十四日

諭恩詔後江浙軍流以下減等

三宥

堯仁五刑虞象鮐鰓司直庭堅無枉况乃元正

湛恩滉瀼緒衣弛鉗丹書解網淮海迤南幅員雖廣狴  
狴新牘郡纔三兩

慶典式渥復茲滌蕩城旦輟春戍車稅鞅向善懷新砥  
瑕戒曩俾鷹爲鳩條風噓養俾芽爲莖醴源滋長  
至德如天八紘同仰

二月十五日

諭免江寧蘇州杭州三府附郭諸縣錢糧

鑿輅賁臨古謂之幸布德行慶邁其倫等蔡邕行述厥  
義炳炳金闔石城開府行省虎林建牙越疆統領是日  
會城郡邑莫並

華蓋泣止春遲日永所過者化近光附景既駐  
羽衛卽侔甸井甘澍徧滋沃厥四境懿筐將桑良耜趁  
杏婦唱童歌慶溢疇町

二月二十八日

諭撥兩淮鹽課六十萬協濟河南

黃流九曲挾河東赴泛濫

堯年事由氣數維宋陳鄭仰煩

聖慮

積誠默驗聿彰

神祐朝祈夕應炳然符據典茂翁河

念彌厯豫租賦畢貨兼資補助尚以善後恐勞黎庶鹽  
官權課

詔爲挹注哀多益寡協權中度凋瘵咸蘇蓋藏益裕衆  
志成防亦孔之固

二月三十日

諭免浙江緩征錢糧及借穀

越之逋賦減於吳地數有贏縮

恩無同異山川出雲煙溫一氣

天降時雨暨則俱暨漕司督轉雲艫挽遞咨爾吳興資  
幾億計

神倉富有茲猶一芥其在農家則關生事午鼓插秧秋  
塍翦穗婦擔姑春勤劬實備幸荷貸除均蒙樂利苕雪  
洋洋飲和靡旣

三月初三日

諭海塘修建石工

驚濤翔涌鼓盪颺輪月躔應度日母歸神西注浮天左  
界無垠不退其衝將墊越人

親度耆四靈胥旣馴補苴罅漏

軫顧靡旣

審謨指畫遠計萬春甃石大壯終勝積薪硤礫犖确不

遠魚鱗堅障峭崿洪波淵淪魚龍不作磨銅鎔銀偉哉  
禹績炳炳麟麟

三月初六日

諭賞福建辦差兵丁兩月錢糧

中權統握部伍翼分楓嶺建營兩隸浙閩被川組練調  
從越軍荷及江國亦有海人船棹跋浪出沒若神射潮  
犀手矯捷超倫

帝嘉乃藝兼

軫乃勤水衡發帑

頌犒惟均炎陬逖聽居雜波臣遙瞻

斗極未迓

至尊歸攜

明賜示乃鄉鄰榕村薜屋同頌

皇仁

同日

諭賞福建百歲舉人郭鍾岳爲進士及賞資陳應騰等  
御書緞疋荷包

嶺海蒼儒歲已累百春草袍青秋霜鬢白藝圃文林茹

涵

聖澤卉木蕃庶茲爲松柏跋涉迎

鑾山程水驛映雪年深瞻

雲路獲一第邀榮平生願塞

宣賜其餘跼擎

寶刻璀璨佩囊絳繚纒帛於維

昌辰佑申

齡錫瑞應有徵非逢其適五老飛星允符圖籍

三月初八日

諭賞還浙江官員所捐養廉

帝省方岳自北徂南棟宇葺建予值者三湖山金碧芳  
圃精藍迹因古昔華匪雕劓鳩貲藻飾爲價實廉猶慮

系之類之類集卷三  
三  
司牧藉口以貪欲取姑予擾我閭閻

詔稽厥數準計毫纖各還其積如未開緘經費所贏餘  
沃猶霑

聖惠則溼

聖訓則嚴勵乃冰蘖無負彤幃

三月初十日

諭召試浙江諸生錄用賞賚有差

赤堇上金會稽美箭寶卞耀晶浮筠挺蒨越產富珍扶  
輿彩絢靈粹天篤滋培

聖贊川效岳修待時乃獻泰初彙征乾五利見

翠鳳曩臨四掄厥彥十有五載

前規式踐延恩列甌

天臨闕殿械樸李甲久而楨榦拔尤者四橫經知勸  
壽考作人式廣於萬

同日

諭賞淨慈寺接

駕年老紳士耆民

南服士女競覲

光華

清蹕所屆人海無涯惟茲耆瑞鶴髮鬢髭飲和駐顏不

藉丹砂香山洛社矍鑠相誇國老庶老禮所優加自爲  
班列肅迓

雲車天機錦段

寵渥有加金地深嚴寶坊谿訝老人星見晃耀青霞無  
量壽佛爲散天花祝延

洪算比恒河沙

三月十四日

諭浙江勿尚奢華

西湖山水詞客夙誇建炎淳熙侈麗增加四五百年越  
俗因奢遂令桃柳多於桑麻競艷其盛孰摘其瑕

帝省民風非玩鶯花何爾守吏尚導繁華濡染弗戒波  
靡奚涯其遵

彝訓無卽於邪謝爾綺紈却爾箏琶男耕于陌女織于  
家斲雕返樸

聖世所嘉

三月二十三日

諭定河神封號

河行秦晉束乎峽中出而平原蕩潏四衝稟承

睿算始障而東迨其合淮湍悍爭雄溢而奪流倒注相

攻機宜

天斷始淪而通

聖不自聖歸諸

神功舊銘清口新秩儀封禮昭報祀祭法式崇詩頌懷  
柔狩典攸隆爲民祈祐誠本

淵衷三靈允協萬福是同

三月二十八日

諭召試江南江西諸生錄用賞賚有差

大江以南人文所聚兩浙三吳方軌齊鶩南金得雙

化冶並鑄鴻筆顏謝舊門陸顧吳趨會吟淮山奏賦豫  
章名材響然亦赴匯合地靈共瞻

天度鸚鵡獨秀驂驪聯步薇省同升桂籍添註吉士藹  
藹騰驥

皇路曠典希逢幸哉五遇

四月初七日

諭保護柴塘

舊防勿徹聞諸韓嬰成功勿毀古義孔明斃石爲重東  
芻爲輕舍舊圖新是亦人情詎知長莢足禦奔鯨外資  
保障屹屹重城况乃金隄剏始經營預徹其藩抵隙誰  
攫無若頽垣剷爲夷庚無若墮樵掇拾畸零慮遠幾先  
誥誠未形億萬斯年波濤不驚

蠻陬貢象頌

乾隆五十五年

韓子有言象不可見知在三古八蠻未獻

聖化醲敷炎荒內面如舜格苗異佗通漢欵塞丹垠奉琛

紫殿香象硯礪聞韶隨抃南雉西燧匪云充玩嘉乃葵忱

帝心垂眷

功茂登三

道光綏萬王會丹青千秋炳煥

紀文達公遺集卷第三